



8. august 2024

UKA 2024/139

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Nuna tamakkerlugu silaannakkut angallannikkut kiffartuusinnermut isumaqatigiissut qanoq ataqatigiissaarnerusumik unammilleqatigiinnerusumillu ilusilersorneqarsinnaanera pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Bentiaraq Ottosen, Atassut)

Siunissami suliffeqarfinnik unammilleqatigiinneq anguneqassappat pingaaruteqarluinnartuuvoq nunanit allaneersunit timmisartuusinnermut periarfissiinissaq, toqqaanarnerusumik nunanut allanut angalasinnaalernissaq pineqarpat imaluuniit Kalaallit Nunaat nunanut allanut ammanerunissamik siunertaqarpat.

Tusartuarpagut suliffeqarfiutitta nunanut allanut timmisartuusinnermut ammaanerat soorlu, Islandimut, Canadamut. Kisiannili eqqarsaatigisariaqarparput, aningaasarsiorfigineqarsinnaasut aamma allat. Soorlu oqareernitsituut suliffeqarfiit allaneersut nunatsinnut tikilluaqqunissai, pingaartumillu unammilleqatigiinneq eqqarsaatigineqartillugu akigititaasut appariartornissaat anguneqarsinnaasooq; timmisartut ilaasoqarneranut akit, assigisaallu unammilleqatigiinnerup aqqani nalimmassalersinnaasut siunertarineqarsinnaammata.

Kalaallit Nunaat silaannakkut angallannermi kiffartuusinnermut, ilaasoqarnermut kiffartuusinnermut isumaqatigiissut qanoq isilluta pitsannerpaaq angutserlugu aaqivigisinnaavarput, nuna isorartuupilussuuvoq, ilaasunullu pitsannerusumik isumaqatigiissutit ingerlanneqarsinnaapput, assersuut, ilaasunik kiffartuusinnermut isumaqatigiissutit aningaasaliissutai qaffanneqarsinnaallutik. Eqqarsartariaqarpugut piareersartariaqarlutalu siunissamut, pingaartumimmi inoqarfiit minnerit maani nunami isorartoqisumi eqqarsaatigineqarsinnaallutik. Nunatsinni silaannakkut angallanneq pitsaanagerusumik inissimasariaqarpoq, unammilleqatigiinnerusumik unammilleqatigiinnerusumillu aningaasalersueriaatsit pitsanngoriartuinnartariaqarput.

Alloriarsinnaaneq taamatut isumaqartorujussuusussaavoq tamatsinnut, pingaaruteqarmammi silaannakkut angallannermi maannakkutut ittut pitsanngoriartortittuarnissaat. Unammilleqatigiinnerlu angunissaanut aqqutit atorsinnaasagut piareersarlugillu ingerlattariaqarpagut, pitsaasumik inuiaqatigiinnut kinguneqartitsissagutta.

Oqallittoqartariaqariaqarpoq qitiusumiit aammalu kisermaasisussaataaneq suliffeqarfinni uukkatarineqarunnaarluni unammilleqatigiinneq anguneqartariaqarpoq, eqqarsarsinnaasariaqarpugut sapernagu tamanna alloriarnissaq.